

## DXXVII.

*Ecclesiam B. Eusebii Vercellensem tuendam suscipit, canonicorumque possessiones confirmat.*

(Anno 1142, April. 25.)

[UGHELLI, *Italia sacra*, IV, 779.]

INNOCENTIUS episcopus, servus servorum Dei, dilectis filiis ABRAHAM archipresbytero, et canonicis majoris Vercellensis Ecclesiæ, tam presentibus quam futuris, canonicè substituendis in perpetuum.

Æquitatis et justitiæ ratio persuadet nos Ecclesiis perpetuam rerum suarum firmitatem et vigoris inconcussi monumenta conferre. Non enim decet clericos, in sortem Domini vocatos, perversis malorum hominum molestiis agitari, et temerariis quorumlibet vexationibus fatigari, similiter et prædia, usibus secretorum coelestium dedicata, nullas potentum angarias nihil debent extraordinarium sustinere. Eapropter, dilecti in Domino filii, vestris justis postulationibus clementer annuimus, et B. Eusebii Vercellensem Ecclesiam, in qua divino mancipati estis obsequio, sub B. Petri et nostra protectione suscipimus, et præsentis scripti privilegio communimus, statuente ut quascunque possessiones, quæcunque bona eadem Ecclesia in præsentiarum justè et canonice possidet, aut in futurum concessione pontificum, largitione regum vel principum, oblatione fidelium, seu aliis justis modis, Deo propitio, poterit adipisci, firma vobis vestrisque successoribus, et per vos eidem Ecclesiæ in perpetuum et illibata permaneant. In quibus hæc propriis duximus exprimenda vocabulis: curtem Caresianam, Villiacum, montem Galliani cum omnibus appendiciis suis, Portum servi; præterea antiquas et rationabiles consuetudines ipsius Ecclesiæ ratas manere censemus. Nulli ergo omnino hominum liceat prædictam ecclesiam temere perturbare, aut ejus possessiones auferre, vel ablatas retinere, minuere, seu vexationibus fatigare, salvis privilegiis, scilicet Romanæ Ecclesiæ et episcopi Vercellensis canonica reverentia. Si quis contra hæc temere venire tentaverit, potestatis honorisque sui dignitate careat, et a sacratissimo corpore et sanguine Domini nostri Jesu Christi alienus fiat, et in extremo judicio ultionis subjaceat. Amen, amen.

Innocentius Catholicæ Ecclesiæ episcopus.

Ego Conradus Sabinensis episcopus.

Ego Albericus Ostiensis episcopus.

Ego Martinus presb. card. S. Stephani.

Ego Guido S. R. R. indignus sacerdos.

Ego Stamius presb. card. tit. S. Sabinæ.

Ego Guido presb. card. S. Chrysogoni.

Ego Ranerius presb. card. tit. S. Priscæ.

Ego Petrus presb. card. tit. Pastoris.

Ego Goizo presb. card. tit. S. Cæciliæ.

Ego Ubaldus presb. card. tit. SS. Joannis et Pauli.

Ego Thom. presb. card. Tit. Vestinæ.

Ego Greg. diac. card. SS. Sergii et Bacchi.

A Ego Otho diac. card. S. Georgii ad Velum Auri.

Ego Guido diac. card. SS. Cosmæ et Damiani.

Ego Vassallus diac. card. S. Eustachii.

Ego Ubaldus diac. card. in Via Lata.

Ego Gerardus diac. S. Mariæ in Dominica.

Ego Octavianus diac. card. S. Nicolai in Carcere.

Ego Guido S. R. E. diac. card.

Ego Petrus diac. card. S. Mariæ in Porticu.

Ego Guido S. R. E. diac. card.

Datum Laterani per manum Gerardi S. R. E. presb. card. ac bibliothecarii, vii Kal. Maii, indict. quinta, Incarnationis Dom. anno 1142, pont. D. Innocentii II papæ anno decimo tertio.

## DXXVIII.

*Ad Petrum Venerabilem Cluniacensem abbatem. — Manerium in Anglia a rege Stephano datum loco centum marcarum, quas rex Henricus dederat.*

(Anno 1142, Maii, 19.)

[MANSI, *Concil.*, XXI, 408.]

INNOCENTIUS episcopus, servus servorum Dei, dilecto filio PETRO Cluniac, abbati, ejusque fratribus tam presentibus quam futuris regulariter substituendis, in perpetuum.

Ad hoc in apostolicæ sedis regimine, disponente Deo, promoti sumus, ut piis votis assensum præbere, auresque nostras inclinare justis petitionibus debeamus. Quia sicut injusta poscentibus nullus est tribuendus effectus, ita legitima et justa postulantium non est differenda possessio. Eapropter, dilecti in Domino filii, vestris justis postulationibus gratum impertientes assensum, manerium de Letdecumba, quemadmodum ab illustri viro Stephano Anglorum rege, cum consuetudinibus et libertatibus illi pertinentibus, et omnibus suis appendiciis, de proprio dominio suo vobis devotionis intuitu concessum est, et scripto suo firmatum, pro centum videlicet marcis argenti quas Henricus bonæ memoriæ Anglorum rex, prædecessor illius, et thesauro suo annis singulis persolvendas, vobis concesserat, auctoritate apostolica vobis et per vos Cluniacensi monasterio confirmamus, et præsentis scripti pagina communimus. Si qua igitur in futurum ecclesiastica sæcularisve persona, hujus nostræ confirmationis paginam sciens, etc.

Ego Innocentius Catholicæ Ecclesiæ episcopus, subscripsi.

Ego Conradus Sabinensis episcopus, subscripsi.

Ego Albericus Ostiensis episcopus, subscripsi.

Ego Martinus presbyter card. tit. S. Stephani, subscripsi.

Ego Stadius presbyter cardinalis tit. S. Sabinæ, subscripsi.

Ego Guido presb. card. tit. S. Chrysogoni, subscripsi.

Ego Goizo presb. card. tit. S. Cæciliæ, subscripsi.



Ego Hubaldus presb. card. tit. SS. Joannis et A Pauli subscripsi.

Ego Rainerius presb. card. tit. Sanctæ Priscæ, subscripsi.

Ego Otto diaconus card. S. Georgii ad Velum Aureum subscripsi.

Ego Guido diaconus card. SS. Cosmæ et Damiani, subscripsi.

Ego Gerardus diac. card. S. Mariæ in Dominica, subscripsi.

Ego Octavianus diac. card. S. Nicolai in Carcere, subscripsi.

Ego Petrus diac. card. S. Mariæ in Porticu, subscripsi.

Datum in monte Tiburtino per manum Gerardi S. R. E. presb. card. ac bibliothecarii, xiv Kal. Junii, indictione v, Incarnationis Dominicæ anno 1142, pontificatus vero domni Innocentii II papæ anno xiii.

## DXXIX.

*Privilegium pro Ecclesia Ragusina.*

(Anno 1142, Jun. 11.)

[FARLATUS, *Illyricum sacrum*, tom. VI, p. 63.]

INNOCENTIUS episcopus, servus servorum Dei, venerabili fratri ANDRÆ Ragusii civitatis antistiti, ejusque successoribus canonicè promovendis, in perpetuum.

Ex commisso nobis apostolatus officio fratribus nostris tam vicinis quam longe positus, paterna nos convenit provisione consulere, etc. Itaque postulationibus tuis, debita benignitate gratum impertientes assensum, etc., quasunque parochias... tibi tuisque successoribus integras permanere sancimus, scilicet Zachulmiæ regnum, et regnum Serviliæ, Tribuniarumque regnum, civitatem quoque Catharinensem seu Rosæ, Budoanensem Avarorum, Ulcinatensem atque Scodrensem, nec non Drivastensem, et Polatensem cum abbatiis, ecclesiis et parochiis earum, etc. Si qua igitur in futurum ecclesiastica sæcularisve persona, hujus nostræ constitutionis paginam sciens, temere contra eam venire tentaverit, secundo tertiove commonita, si non congrue satisfecerit, potestatis honorisque sui dignitate careat, reamque se divino judicio existere de perpetrata iniquitate cognoscat, et a sacratissimo corpore ac sanguine Dei et Domini Redemptoris nostri Jesu Christi aliena fiat, atque in extremo examine districtæ ultioni subjaceat. Cunctis autem eidem jura servantibus sit pax Domini nostri Jesu Christi, quatenus et hic fructum bonæ actionis percipiant, et apud districtum judicem præmia æternæ pacis inveniant. Amen.

Ego Innocentius Catholicæ Ecclesiæ episcopus subs.

Ego Albitus, etc.

Datum in monte Tiburtino per manum Gerardi S. Romanæ Ecclesiæ presbyt. cardin. ac bibliothecarii, iii Idus Junii, indictione v, Incarnationis Dominicæ anno 1142, pontificatus vero Domini Innocentii papæ II anno xiii.

## DXXX.

*Privilegium pro ecclesia S. Mariæ de Stromberch.*

(Anno 1142, Junii 12.)

[LACOMBLET, *Urkundenb*, I, p. 233.]

INNOCENTIUS episcopus, servus servorum Dei, dilectis filiis WALTERO Ecclesiæ Sanctæ Mariæ de Stromberch præposito, atque HERMANNO, cæterisque ipsorum fratribus, tam præsentibus quam futuris, regulariter substituendis in perpetuum.

Ad hoc universalis Ecclesiæ cura nobis a provisoro omnium honorum Deo commissa est, ut religiosas diligamus personas, et bene placentem Deo religionem studeamus modis omnibus propagare. Nec enim Deo gratus aliquando famulatus impenditur, nisi ex charitatis radice procedens a puritate religionis fuerit conservatus. Eapropter, dilecti in Domino filii, vestris justis postulationibus clementer annuimus, et præfatam Ecclesiam in qua divino mancipati estis obsequio, sub beati Petri et nostra protectione suscipimus, et præsentis scripti privilegio communitus; statuentes ut ordo canonicus secundum beati Augustini regulam, perpetuis ibi temporibus inviolabiliter conservetur. Præterea quasunque possessiones, quæcunque bona eadem ecclesia in præsentiarum juste et canonicè possidet, aut in futurum concessione pontificum, largitione regum vel principum, oblatione fidelium, seu aliis justis modis, Deo propitio, poterit adipisci, firma vobis, vestrisque successoribus, et illibata permaneant. Decimas quoque totius montis in quo vestra ecclesia sita est, et omnium novalium quæ excoluntur intra terminum, videlicet intra marcam hominum habitantium in Winthere, et cætera omnia quæ ab Arnolde Coloniensi archiepiscopo vobis rationabiliter concessa sunt, similiter confirmamus. Advocatiam vero ipsius loci nullus sibi usurpare præsumat, nisi quem fratres communi consensu, vel sanioris partis consilii, secundum Dei timorem, et ejusdem loci utilitatem, providerint eligendum. Sane laborum vestrorum quos propriis manibus aut sumptibus colitis, sive de nutrimentis vestrorum animalium nullus, omnino clericus vel laicus, decimas a vobis exigere præsumat. Sepulturam quoque ipsius loci liberam esse concedimus, ut quicumque se illic sepeliri deliberaverint, nisi forte excommunicati sint, nullus obsistat; salva tamen justitia matricis ecclesiæ. Decernimus ergo ut nulli omnino hominum liceat prædictam ecclesiam temere perturbare, aut ejus possessiones auferre, vel ablatas retinere, minuere, seu quibuslibet vexationibus fatigare, sed omnia integra conserventur eorum, pro quorum gubernatione et sustentatione concessa sunt, usibus profutura; salva Coloniensis archiepiscopi canonica justitia. Si qua igitur in futurum ecclesiastica sæcularisve persona, hanc nostræ constitutionis paginam sciens, contra eam temere venire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino judicio existere de perpetrata iniquitate